



Lovtidende A

2019

29. november 2019.

Nr. 1275.

Eqquiniulluni akilerniunneq nunami tunngaveqartoq pillugu nalunaarut¹

Aningaasanoorneq pillugu inatsimmi § 11, imm. 5, § 36, imm. 2, § 41, imm. 1, aamma § 60, tak. inatsisitut nalunaarut nr. 1494, 6. december 2016-imeersoq, aamma aningaasarsianik malunnarunnaarsitsiniaaneq pillugu inatsimmi § 67 aamma § 78, imm. 6, tak. inatsisitut nalunaarut nr. 930, 6. september 2019-imeersoq kiisalu aningaasanoornerit aalajangersimasut pillugit inatsimmi § 17, imm. 2, § 19, imm. 1, aamma § 46, imm. 1, tak. inatsisitut nalunaarut nr. 336, 7. april 2016-imeersoq malilugit aalajangersarneqarpoq:

Kapitali 1

Atorneqarfia

§ 1. Nalunaarut eqquiniulluni akilerniunnernik nunami tunngaveqartunik neqerooruteqarnernut atorneqassaaq, tak. aningaasanoorneq pillugu inatsimmi § 11, aamma aningaasanoornerit aalajangersimasut pillugit Kalaallit Nunaannut inatsimmi § 7.

Imm. 2. Aningaasanoornernik aningaasanoorneq pillugu inatsimmi § 42, imm. 4 aamma 5-imi aamma aningaasanoornerit aalajangersimasut pillugit Kalaallit Nunaannut inatsimmi § 8, imm. 1-imi taaneqartunik neqerooruteqarneq nalunaarummut ilaangillat.

Kapitali 2

Aningaasanoortunut paasissutissiineq

§ 2. Paasissutissat tamarmik, akuersissummik peqartup aningaasanoorneq pillugu inatsimmi imaluunniit aningaasanoornerit aalajangersimasut pillugit Kalaallit Nunaannut inatsimmi aalajangersakkat najoqqutassallu taakkununga attuumassuteqartut malilugit aningaasanoortumut atugassiisutigissallugit pisussaaffigisai, tuniniaaffigisami danskisut pissarsiarineqarsinnaassapput. Aningaasanoortut akuersissummilu peqartup akornanni attaveqatigiinnerit tamarmik danskisut ingerlanneqarsinnaassapput.

Imm. 2. Akuersissummik peqartup, Kalaallit Nunaanni aningaasanoornernik neqerooruteqarsinnaatitaasup paasissutissat imm. 1-imi taaneqartut danskisut kalaallisullu atugassiisutigissavai.

§ 3. Tuniniaaffiusumi imaassaaq:

- 1) inuit 18-it inorlugit ukiullit aningaasanoornernut peqataasinnaanginnerat takuneqarsinnaassalluni,

¹⁾ Eqquiniulluni akilerniunneq nunami tunngaveqartoq pillugu nalunaarut nr. 65, 25. januar 2012-imeersoq, nalunaarutip matuma taarsigaa, teknikkikkut najoqqutassat kiisalu inuiaqatigiinni paasissutissiisartuni sullissinernut najoqqutassat eqqarsaatigalugit, missingiutaanermi Europa-Parlamentip Rådillu peqqussutaat 2015/1535/EU malilugit pisortatigoortumik nalunaarutigineqarpoq (paasiuminartarneqarluni).

- 2) akisussaassuilimmik aningaasanoorneq aamma ningaasanoornerup kingunipilorisinnaasai pillugit paasissutissiisoqassaaq, tamatumani paasissussat suliarineqarneranni aningaasanoornernik pinngitsuuisinnaangitsunik katsorsaavik suleqatigineqassalluni,
- 3) aningaasanoornernik pinngitsuuisinnaangitsunik katsorsaaviit pillugit taakkualu qanoq attavigineqarsinnaanerit pillugu paasissutissiisoqassaaq, aamma takuneqarsinnaassaaq akuersissummik peqartoq Aningaasanoornernut Oqartussanit akuersissuteqartoq taakkunangalu nakkutigineqarluni.

Imm. 2. Paasissutissat imm. 1-imi taaneqartut tuniniaaffimmi salliutitaallutik inissisimassapput, aamma aningaasanoortuq aningaasanoornermut peqataalersinnani paasissutissanik ilisimatinneqassaaq.

Imm. 3. Akuersissummik peqartuq Kalaallit Nunaanni aningaasanoornermik neqerooruteqarnissamut akuersissuteqartuq, paasissutissat imm. 1-imi taaneqartut danskisut kalaallisullu ilisimatitsissutigissavai, aamma aningaasanoornermik pinngitsuuisinnaanngitsunik Kalaallit Nunaanni katsorsaaviit qanoq attaveqarfigineqarsinnaanersut ilisimatitsissutigissallugu.

§ 4. Tuniniaaffiusumi Aningaasanoornermut Oqartussat meqqilersuinerat atorneqassaaq. Aningaasanoornermut Oqartussat meqqiat aningaasanoortumit pisariitsumik takuneqarsinnaassaaq.

Imm. 2. Akuersissummik peqartup meqqi Aningaasanoornermut Oqartussanit suliarineqartuq, kingullermillu tamanut saqqummiunneqartuq qaqugukkulluunniit atussavaa. Meqqi ilusilersugaanermigut, angissusiligaanermigut qalipaatiimigulluunniit allanngortinneqassanngilaq.

Imm. 3. Meqqi imatut atorneqassanngilaq, isumaqartoqalersillugu Aningaasanoornermut Oqartussat aqqissuisooqataasut imaluunniit aningaasaliisuusut.

Imm. 4. Meqqi akuersissummik peqartup suleqataanit imaluunniit peqatigisaanit Aningaasanoornermut Oqartussanit akuersissuteqanngitsunit atorneqassanngilaq.

§ 5. Akuersissummik peqartuq iliuseqassaaq aningaasanoortunut aningaasanoornernut peqataanissamut utaqiisaasumik imaluunniit inaarutaasumik imminnut mattussimasunut tunitsivissarsiornermi pinngitsoortinniarlugu.

Kapitali 3

Tunitsivissarsiorneq

§ 6. Akuersissummik peqartuq tunitsivissarsiornermini tulliuuttut pillugit paasissutissiissaaq:

- 1) aningaasanoornermut ukioqortussutsikkut killiliussat aamma
- 2) Aningasanoornermut Oqartussat akisussaassusilimmik aningaasanoornermut ikiorsiisarfiata oqarasuaatikkut normua.

Imm. 2. Akuersissummik peqartup tunitsivissarsiornermini Aningaasanoornermut Oqartussat meqqiliinerut aqqissuisuunerat atussavaa. Meqqi pisariitsumik takuneqarsinnaassaaq. § 4, imm. 2 aamma 3, assigisaanik atorneqassaaq.

Imm. 3. Imm. 1-imi paasissutissat aamma meqqi, tak. imm. 2, assigisaanik akuersissummik peqartup nittartagaani takuneqarsinnaassaaq, taanna pineqartup tunitsivissarsiorneranut imaaliillaannaq attuumassuteqartillugu.

Kapitali 4

Iliuutsit tunisinermik siuarsaasut

§ 7. Akuersissummik peqartuq aningaasanoornermik neqerooruteqarnerminut atatillugu aningaanoortumut iliuitsinik tunisinermik siuarsaasumik neqerooruteqarpat, atugassarititaasut tamarmik neqeroorummut qanimut atatillugit erseqqissumik paasiuminartumillu paasissutissiissutigineqassapput. Ilitsit tunisinermik siuarsaasut pillugit isumaqatigiissut imaaliillaannaq eqqortinneqassaaq atugassarititaasut tamarmik eqqortitinneqariarpat.

Imm. 2. Iliuseq tunisinermik siuarsaasoq 1.000 kr.-t sinnerlugit naleqassanngilaq imaluunniit agguaqatigiissillugu taakkunanga annerusunik naleqassanani. Nalinga naatsorsorneqassaaq piffissami iliuitsip tunisinermik siuarsaasup tunniunneqarfiani. Eqqukkanut allanut aningaasaanngitsunut, nalinga niuerutaasinnaasusia aallaavigalugu naatsorsorneqassaaq.

Imm. 3. Iliuseq tunisinermik siuarsaasoq anguniarlugu aningaasanoornermut akiliuteqarnissamik piunasaqaat iliuitsip tunisinermik siuarsaasup tunniunneqartup nalingata 100 procentimik naleqatigissavaa, taamaattoq tak. imm. 2.

Imm. 4. Bonusiatit tigusinnaalertinnagit qanoq annertutigisumik kaaviiartitaqarnissaannik piunasaqaatit iliuitsinut tunisinermik siuarsaasunut attuumassuteqartut annerpaamik aningaasanoornermut kontomut ikisat imaluunniit aningaasanoornermut atukkat quleriaatigissavaat, aningaasat tunniunneqartut ilanngullugit, taamaattoq tak. imm. 5.

Imm. 5. Aningaasanoornermi isumaqatigiissuteqarnermik tunngaveqartuni iliuitsinullu tunisinermik siuarsaasunik attuumassuteqartuni qaffasinnerpaamik isumaqatigiissutit affaanik aningaasanoortumit akilerneqartut naleqassapput.

Imm. 6. Eqqukkanut iliuitsinut tunisinermik siuarsaataasunut atatillugu eqqugaasunut bonusiatit tigusinnaalersinnagit qanoq annertutigisumik kaaviiartitaqarnissamik piunasaqaateqartoqarsinnaanngilaq.

Imm. 7. Iliuitsinik tunisinermik siuarsaataasunik neqerooruteqarnermut atatillugu bonusiatit tigusinnaalertinnagit qanoq annertutigisumik kaaviiartitaqarnissamik piunasaqaateqartoqarpat, aningaasanut assersuusiortoqassaaq nunat assigiinngitsut aningaasaat aningaasanoornermi atorneqartut atorlugit, eqqugaasimasinnaasut aningaasanoornermut

kontomit tiguneqalersinnaalertinnagit. Assersuut neqerooruteqarnermut atatillugu erseqqissumik paasiuminartumillu paasissutissiissutigineqassapput.

Imm. 8. Aningaasanoornerit iliuitsinut tunisinermik siuarsaasunut atatillugu piumasaqaatit eqqortinnerannut atorneqarsinnaasut, bonusiat tigusinnaalertinnagit qanoq annertutigisumik kaaviiartaqartoqarnissaanik piumasaqaatit 100 procentimik eqqortinneqarnissaannut piumasaqaatinik eqqortitsisuussapput.

Imm. 9. Aningaasanoortut iliuitsinut tunisinermik siuarsaasunut atatillugu eqqukkat akilerneqarnissaannut piumasaqaateqartoqarsimappat sivikinnerpaamik ullunik 60-imik periarfissaqassapput piumasaqaatinik eqqortitsinissaminnut.

§ 8. Iliuitsit tunisinermik siuarsaasut piumasaqaatit aningaasanoortunut allanut neqeroorutigineqartut assiginngisaat atorlugit aningaasanoortunut ataasiakkaanut neqeroorutigineqassanngillat, aningaasanoortunulli tamanut aningaasanik assigiissunik akuttussusillit iluini neqeroorutigineqartut, imaluunniit tunngavimmik allamik eqqortitsisunut neqeroorutigineqassallutik. Aningaasanik assigiissunik akuttussutsit imaluunniit timmgavoot aææat aalajangersarneqassapput, taamaasilluni iliuitsit tunisinermik siuarsaasut ikinnerpaamik aningaasanoortunut 100-nut neqeroorutigineqassallutik.

Imm. 2. Aningaasanoortup akuersissummik peqartumi aningaasanuunngippallaarnera iliuitsit tunisinermik siuarsaasut neqeroorutiginerannut aalajangiisuussanngilaq.

Kapitali 5

Isumaqatigiissuteqarluni aningaasanoorneq il.il.

§ 9. Akuersissumik peqartoq iliuseqassaaq, eqquiniulluni akilerniunnermi isumatigiissuteqarluni aningaasanoornerup («match- fixing») annikillisinneqarnissaanut naleqquttunik, aamma isumaqatigiissuteqarluni aningaasanoortoqarnera tunngavissaqartumik pasitsaassimaneqarpat eqquiniulluni akilerniunnermut aningaasanoornermut akiliutit tigusinnaat itigartitsissutigissallugu.

§ 10. Akuersissummik peqartup neqeroorutigissanngilaat timersornerit inuusuttunut 18-it inorlugit ukiulinnut sammitaappata.

Kapitali 6

Aningaasanoornermut periutsit

§ 11. Akuersissummik peqartup nakkutilliinermut periutsinut aamma aningaasanoornermut periutsinut ilanngussaq 1-imi allassimasut malissavai.

§ 12. Aningaasanoornermut periutsit eqquiniulluni akilerniunnernut atorneqartut, tassaasullu IT-kkut atortorissaarutit, tak. ilanngussaq 1, nunami maani inissisimassapput.

Imm. 2. Aningaasanoornermut Oqartussat imm. 1-imi piumasaqaat avaqqunneqassasoq akuersissutigisinnaavaat, akuersissummik peqartumut imaappat:

- 1) nunami allami aningaasanoornermik neqerooruteqarnissamut akuersissuteqarpat, tamatumani pisortat oqartussaasui akuersissummik peqartup aningaasanoortitsinermik neqeroorutai nakkutigisarissallugit, aamma nakkutilliinermut oqartussat taakku akuersissummik peqartup nunami maani aningaasanoornermik neqeroorutai nakkutigissallugit Aningaasanoornermut Oqartussanut isumaqatigiissuteqarsimappata, imaluunniit
- 2) aningaasanoornermut periutsit ungasianiit tikinneqarsinnaatillugit assigisaanilluunniit periuseqarluni Aningaasanoornermut Oqartussat toqqissisimanartumik nakkutilliisinnaatippatigit.

§ 13. Akuersissummik peqartup aningaasanoortitsinermut periusai, niueriaasii niuernermilu periusaai suliffeqarfimmit misileraasumit akuerisaasumit akuersissutigineqassapput, aningaasanoornermut periutsit qarasaasiakkut eqquiniulluni akilerniunnernik neqerooruteqarluni atorneqalersinnagit. Aningaasanoornermut Oqartussat akuersissummik piumasaqaatinik aalajangersaasinnaapput.

Imm. 2. Suliffeqarfiup misileraasup qanoq akuerineqarnissaanut piumasaqaatinik Aningaasanoornermut Oqartussat aalajangersaasinnaapput.

§ 14. Aningaasanoornermut periuseq akuersissutigineqaraangat, Aningaasanoornermut Oqartussat qaqugukkulluunniit akuersissummik peqartumut naalakkutitigisinnaavaat suli annertunerusumik misileraasoqassasoq, uppersaasoqassasoq periutinillu akuersissuteqartoqarluni.

§ 15. Aningaasanoornermut periutsini eqquiniulluni akilerniunnerit neqeroorutigineqartut pillugit paasisutissat tamaasa akuersissummik peqartup sivikinnerpaamik ukiuni tallimani uninngasuutigissavai.

Kapitali 7

Naammagittaalliorneq

§ 16. Akuersissummik peqartup aningaasanoornernik neqeroorutai pillugit aningaasanoortup naammagittaalliutaat akuersissummik peqartup suliarissavai. Aningaasanoortup kinaassusaa kiisalu pissutsit naammagittaalliutitigineqartut pillugit paasisutissanik naammagittaalliut imaqassaaq. Naammagittaalliut itigartitsissutigineqarsinnaavoq piumasaqaatit eqqortinneqarsimangippata.

Imm. 2. Akuersissummik peqartup naammagittaalliut sapinngisamik sukkanerpaamik suliarissavaa. Naammagittaalliut ullut 14-it ingerlaneranni aalajangiivigineqarsimangippat, akuersissummik peqartup aningaasanoortoq ilisimatissavaa, qaqugukkut taassumi suliami aalajangiisoqarnissaa naatsorsuutigisinaaneraa.

Imm. 3. Akuersissummik peqartup allakkit naammagittaalliummik suliamut akuusut sivikinnerpaamik ukiuni marlunni uninngasuutigissavai, ilanngullugit ilanngullugit allakkiat naammagittaalliutinut itigartitsissutigineqartunut tunngasut. Piumasaqarfigineqarnermigut taakku Aningaasanoornermut Oqartussanut nassiuutigissavai.

Kapitali 8

Nakkutilliineq

§ 17. Nalunaarutit matuma malinneqarnera Aningaasanoornermut Oqartussat nakkutigisaraat, tak. aningaasanoorneq pillugu inatsimmi kapitali 9 aamma aningaasanoornernit aalajangersimasut pillugit Kalaallit Nunaannut inatsimmi kapitali 6.

Kapitali 9

Pineqaatissiineq

§ 18. Inatsisit allat malillugit sakkortunerusumik pineqaatissiisoqanngippat, kinaluunniit piaaraluneerluni imaluunniit sakkortuumik mianersuaalliorluni §§ 2-8-nik, §§ 10 aamma 11-mik, § 12, imm. 1-imi, § 13, imm. 1, oqaaseqatigiinnik siullernik, § 15 aamma § 16, imm. 1, oqaaseqatigiinnik siullernik, imm. 2, oqaaseqatigiit aappaannik aamma imm. 3-mik unioqutitsisoq akiliisitaanermik pineqaatissinneqassaaq.

Imm. 2. Piginneqatigiiffiit il.il. (inatsisitigut pisinnaatitaasut pisussaataitaasullu) pillaasarnermi inatsimmi kapitali 5-imi maleruagassat malillugit pillaatisinissamut akisussaatinneqarsinnaapput aamma Kalaallit Nunaanni

pinerluttulerinermik inatsimmi kapitali 5-imi maleruagassat malillugit pineqaatissinneqarnissamut akisussaatinneqarsinnaallutik.

Kapitali 10

Atuutilerfia il.il.

§ 19. Nalunaarut ulloq 1. januar 2020-mi atuutilerpoq.

Imm. 2. Eqquiniulluni akilerniunneq nunami tunngaveqartoq pillugu nalunaarut nr. 65, 25. januar 2012-imeersoq atorunnaarsinneqarpoq.

Imm. 3. § 6 ulloq 1. april 2020-imiit sunniuteqarpoq.

Akilerartarnermut ministereqarfik, ulloq 29. november 2019

MORTEN BØDSKOV

/ Jeanette Rose Hansen

Akuersissummik peqartunut teknikkikkut piomasaaqatit

A. Aallaqqaasiut

Allakkiami matumani teknikkikkut piomasaaqatit akuersissummik peqartup eqqortittussaasai allaaserineqarput, ilanngullugit nakkutilliinermut paasissutissat tunngavigineqartut qulakkeernissaat kiisau takuneqarsinnaassusiannik piomasaaqatit, suliffiup iluani nakkutilliinerit, suleriaatsit aaqqissuussaanerlu allaaserineqarlutik.

B. Naalisaanerit nassuiaatillu

SAFE: Paasissutissanik uninngasuusivik akuersissummik peqartup aningaasanoornermut paasissutissat uninngasuutiginiarlugit pilersittussaasaa, Aningaasanoornermut Oqartussat nakkutilliinermut atugassatut piomasaaqatigisaatut.

RNG: Random Number Generator (kisitsisit nalaatsornikkut saqqummersut).

Aningaasanoor-

nermut periuseq: Elektroniskimik allatulluunniit ittunik atortut, akuersissummik peqartumit taannaluunniit sinnerlugu atorpeqartartut, neqeroorutinut imaluunniit qarasaasiakkut kasinomik ingerlatsinermut atorpeqartarlutik, ilanngullugit atortut imatut ittut:

1. inuup aningaasanoornernut peqataaneranik paasissutissat uninngasuutiginerannut atorpeqartarpoq, ilanngullugit paasissutissat piffissap ingerlaneraneersut aamma angusanik paasissutissat,
2. aningaasanoortumut aningaasanoornerit saqqummersittarlugit aamma/imaluunniit saqqummiuttarlugit, imaluunniit
3. aningaasanoornernit inernerit aalajangersartarlugit, imaluunniit aningaasanoortoq aningaasanoornermi eqquisimanersoq imaluunniit annaasaqarsimanersoq naatsorsortalugu

SAFE aningaasanoornermut periutsinut ilaanngilaq.

FTPS: File Transfer Protocol SSL.

SSL: Secure Sockets Layer.

XSD: XML Standard Definition.

XML: Extensible Markup Language.

C. Periutsit tamarmiusut ataatsimoortut aningaasanoornernik nakkutilliinermut atorpeqartussat

Periutsit tamarmiusut ataatsimoortut tassaapput akuersissummik peqartup aningaasanoornermut periusaa, akuersissummik peqartup paasissutissanik uninngasuusivia (SAFE) kiisalu isumannaallisaanermut periuseq (Tamper Token)

1. **SAFE** tassaavoq akuersissummik peqartup nammineerluni paasissutissanik uninngasuusivia (allakkianut qarasaasiakkut toqqorsivik) tassani aningaasanoornernut tamanut akuersissummik peqartumi ingerlanneqarsimasunut paasissutissat – Standard Records malillugu – akuersissummik peqartup uninngasuutigissallugit. Akuersissummik peqartut tamarmik paasissutissanut uninngasuusivimmik pilersitsissapput (SAFE).

Aningaasanoornermut Oqartussat akuersissummik peqartumi paasisstutissanik uninngasuusivimmuq qarasaasiakkut isersinnaassapput.

2. **Tamper Token.** Aningaasanoornermut Oqartussat isumannaallisaanerit periuseq atortussanngortissavaat, taanna Tamper Tokenimut atorneqassaaq. Aningaasanoornermut paasisstutissat, akuersissummik peqartup Standard Recordsit ilusilerlugit SAFE-mut toqqugaasa SAFEmi uninngasuutigineqarnerminni allanngortinneqannginnissaasa qulakkeerneqarnissaat Tamper Tokenip siunertaraa. Aningaasanoornermut Oqartussat tokensit ullut tamaasa akuersissummik peqartumut saqqummiunneqartartut saqqummiunneqarnerannut serverimik inissiissapput. Aalajangersimasumik nalileereernerup kingorna qanoq akulikitsigisuunissaat naleqqussarneqarsinnaavoq. Akuersissummik peqartup suleriaaseq Aningaasanoornermut Oqartussat erseqqissaataannik malinnittoq atuuttussanngortissavaa, aningaasanoornermut paasisstutissat toqqugaasut aamma token saqqummiunneqartoq aallaavigalugit kinaassutsimut kode ersersinneqassammat. Kinaassutsimik kode pineqartup tokeniata naannginnerani Aningaasanoornermut Oqartussanut utimut nalunaarutigineqassaaq. Akuersissummik peqartup Tamper Tokenimut attaveqarnera web-ikkut sullissivik aqutugalugu pissaaq.

Tamatuma saniatigut Aningaasanoornermut Oqartussani Tamper Token tulliuuttunik passussisarpoq:

- Kinaassutsimik kodet naatsorsorneranni kisitsisinik aallaaviummik (tokens-inik) pilersitsineq.
- Kinaassutsimik kodenik kingusinnerusukkut nakkutilliinerit atugassanik uninngatitsineq.
- Tokensit naammassinissaannut piffissaliummik ataavartumik nakkutiginnera.
- Aningaasanoornermut paasisstutissat tulleriissut aaneqartut kinaassutsimik kodemut tiguneqartumut naleqqiullugit allanngortinneqarsimannginnerisa uppernarsarneqarnerat.
- Akuersissummik peqartup tokenimik nutaamik saqqummiussinerminut atatillugu tokenit akulikissusaanik allannginnerimik aqutsisinnanissaa piimasaqaataavoq.

Tamper Token kukkunerit pillugit akuersissummik peqartup Aningaasanoornermut Oqartussat sapinngisamik sukkanerpaamik ilisimatissavai.

D. Aningaasanoornermi paasisstutissanut piimasaqaatit (Standard Records)

Akuersissummik peqartup aningaasanoornermik paasisstutissat SAFE-mut XML-filinngorlugit toqqussavai, Aningaasanoornermut Oqartussat tamanut saqqummiussaanic allaffissalerlugit aamma akulikissuseqartillugit. Agguaassinerit tulliuuttut atorneqassapput:

- EndOfDay
- Puljеспil
- FastOdds
- Managerspil
- Jackpot

Aningaasanooriaatsinut qulaani agguaassinerup avataaniittunut, Aningaasanoornermut Oqartussat isumaqatigiissuteqarfigineqassapput aningaasanoornermut paasisstutissaq qanoq ililluni SAFE-mut toqqorneqassanersut. Tamanna pissaaq aningaasanoornerit neqeroortigineqalersinnagit.

Aningaasanoornermut paasisstutissat SAFE-mut nassiunneqarneranni annertussusissaasa teknikkikkut allaaserinera (Standard Records) Aningaasanoornermut Oqartussat taamanut saqqummiutissavaat. Teknikikkut allaaserineqarnera taaguutinut ilusiliussat aamma allaffissat nassuiaataannik imaqrpoq. Allaaserisamut ilaapput XSD-mi filit eqimattat, taakku aqqissugaanerit aningaasanoornermut paasisstutissanik SAFE-mut toqqorsinerit eqqortitsisuussaaq.

E. SAFE-mut piunasaqaatit

E. 1 Akuersissummik peqartup paasissutissanut uninngasuusivia

Akuersissummik peqartup paasissutissanik uninngasuusivik (SAFE) aningaasanoornermut paasissutissanik uninngatitsivissani pilersissavaa.

Akuersissummik peqartup Standard Records malillugu aningaasanoornermut paasissutissat paasissutissanik uninngasuusivimmut nuussavai tassanilu toqqortaralugit. Akuersissummik peqartup aningaasanoornermut paasissutissat qaammatini kingullerni aqqaneq marlunneersut SAFE-mi uninngasuutigissavai kiisalu aningaasanoornermut paasissutissaat suli qaammatinit 48-meersut qarasaasiami digitalimik atuarneqarsinnaasumi uninngasuutigissallugit.

Akuersissummik peqartup SAFE-ata aamma Aningaasanoornermut Oqartussat nakkutilliinermut periusaata akornanni paasissutissanik nuussineq internet FTPS-ilik aqqutigalugu pisassaaq minnerpaamik 8 Mbit/s sukkassuseralugu. Attaveqaatip aningaasanoornermut paasissutissat ajornaqutitaqanngitsumik nuunneqarsinnaanerannut attaveqaatip naleqquttuunissaa akuersissummik peqartup qulakkiissavaa.

E. 1.1 SAFE-mut teknikkikkut piunasaqaatit

- SAFE serverimi immikkuullarissumi pilersinneqassaaq, taannalu akuersissummik peqartup aningaasanoornermut periusaanit immikkoortitsimaneqassalluni.
- SAFE-mi aningaasanoornermut paasissutissat paasissutissaasinnaasunit allaanit piviusumik illersorneqarsinnaasumillu immikkoortitsimaneqassapput.
- Aningaasanoornermut paasissutissanut tamanut akuersissummik peqartup pisariaqartitamik back-up-eqarnissaa isumagissavaa. SAFE aamma SAFE-mut back-ip inissisimaffimmikkut avissaarsimassapput. Assigisaanillu qarasaasiami digitalimik atuarneqarsinnaasumi paasissutissanik uninngatitsineq taakkuninnga back-up sumiiffimmikkut immikkoortitsimaneqassapput.
- SAFE paasissutissanik uninngatitsivittut atorneqalersinnani, qarasaasiakkut kasinorneq pillugu nalunaarut malillugu isumannaallisaanikkut piunasaqaatit minnerpaamik akuersissummik peqartup aningaasanoornermut periusaata qaffaseqatigisaanik pitsaassusilimmik eqqortitsissaaq.
- Aningaasanoornermut Oqartussat aningaasanoornermut paasissutissanik SAFE-miit aallersinnaanissaat akuersissummik peqartup qulakkiissavaa.
- Akuersissummik peqartup attaveqaat isumannaatsaq (FTPS) aqqutigalugu SAFE-mut attaviliissaaq.
- SAFE-mi mappit aqqissugaanerit suliarineqassaaq aqqissugaaneq Aningaasanoornermut Oqartussaq aqqissugaaneq erseqqisaatigisimasaat malillugu, tak. immikkoortoq E. 3 »SAFE-mi mappit aqqissugaanerit aamma Standard Records-imi taaguusersuisarneq«.
- SAFE-mi aningaasanoornermut paasissutissat Standard Records erseqqisaatigineqartut malillugit toqqorneqassapput, tak. immikkoortoq D »Aningaasanoornermut paasissutissanut piunasaqaatit (Standard Records)«.
- Akuersissummik peqqartup uppersarsassavaa piunasaqaatit taaneqartut SAFE-mit malinneqartut.
- Akuersissummik peqartup SAFE-mut ingerlatsinermut uppersarsaatit suliarissavai, ilanngullugit pisariaqartitamik avatangiisinut uppersarsaatit, ingerlatsinermut suleriaatsit aamma suliap ingerlanneqartarnera, backup-imut periutsit kukkunernillu passussisarneq uppersarsassallugit.
- Uppersarsaatit tamarmik danskisut tunniunneqassapput. Taamaattoq tekniikkut nassuiaatit nalinginnaasutut ittut tuluttut tunniunneqarsinnaapput.

- Uppernarsaatit apeqqutigineqarnerminni elektronikkimik pissarsiarineqartussanngortinneqassapput (assersuutigalgu mailikkut, USB-stik, CD-rom, DVD) Aningaasanoornermut Oqartussat kingusinaaratik aamma ullunit suliffiusunit marlunniit kingusinnerunngitsukkut.
- Uppernarsaatit tamarmik tunniunneqassapput Aningaasanoornermut Oqartussanit passunneqarsinnaasumik annertussusilerlugit aamma Microsoft Office-mi imaluunniit Adobe Reader-imi atuarneqarsinnaasunngorlugit.
- Uppernarsaatit ataavartumik naleqqussarneqartassapput aamma realese-ni ataasiakkaani tamani. Realese-ni ataasiakkaani tamani uppernarsaatit naleqqussakkat malinnaatinneqassapput, taakkunani realese-mut tunngavigineqartoq allaaserineqartassalluni.
- SAFE-p qaammammut ataatsimut tikikkuminassusia:

Tilkikkuminassusia	98,50 pct.
Incident-imut qisuariarnermut piffissaliussaq	Nalunaaquttap akunnera qaangiutsinnagu, ataasinngorneq – tallimanngorneq, piffissami nal. 08.00 – 17.00 (danskit piffissaat).
Akissuteqarnissamut piffissaliussaq	Isernermut akissuteqarnermut piffissaq agguaqatigiissillugu 10 sekundinit sivikinnerussaaq.

- SAFE-mi sulissinnermut iserfissat:

Iserfissat qanoq ittuuneri	Sullissinnermut iserfissaq	Sivissusaa	Piffissaliineq – sullissinnermut iserfissap atorluarnera
Standard changes, patchning, il.il.	Ullup unnuallu ingerlanerini ataasiarluni piffissami ataasinngornermiit tallimanngornermut nal. 17:00 – 06:00 aamma arfinginngornermi sapaammilu nal. 00:00 – 23:59	120 min	Ullut suliffissat 5 piffissaliullugit
Opdateringit angunerusut	Qaammammut 0-4-riarluni piffissami arfininngorneq 00:00 – ataasinngorneq 05:00	20 timer	Ullut suliffissat 10 piffissaliullugit
Avatangiisinik, illut titartarnerinik aamma sullissinnermik allannngortiterinerit	Qaammammut 0-4-riarluni piffissami arfininngorneq 00:00 – ataasinngorneq 05:00	24 timer	Ullut suliffissat 15 piffissaliullugit
Tuaviortumik aarlerinaatilinnik opdaterinerit	Isumaqaatigiissutigineqassaaq	Isumaqaatigiissutigineqassaaq	Suliaq aallartinneqartinnagu

- Incidents (pisartut):

Incidentit qanoq ittuuneri:	Piffissaliussap iluani aaqqinneqassapput
<p>Incident-it 95,5 procentiinit annertunerusut piffissaliussat ataani taaneqartut iluini aaqqinneqassapput. Qaammatikkaartumik nalilersorneqassapput. Incident-it sinnerinut piffissaliussat immikkuullarissut isumaqatigiissutigineqassapput.</p>	
<p>Tuaviortoq (mattussisuuvoq)</p> <p>Akunnattoq (work-around pisariusoq atuuppoq)</p> <p>Naliginnaq (naapertuutinngitsoq, work-around-imik minnerusumik pisariaqartitsisoq)</p>	<p>Nalunaaquttap akunneri 6</p> <p>Ullut suliffiusut marluk</p> <p>Ullut suliffiusut sisamat</p>

Akuersissummik peqartup incidentit Aningaasanoornermut Oqartussat incidentit pillugit nalunaaruteqartarfiat aqutigalugu nalunaarutigisassavai.

Tamanna pillugu piumasaqaatit paasissutissiisarnerlu Aningaasanoornermut Oqartussat nittartagaatigut tamanut saqqummiunneqarumaarput.

Akuersissummik peqartoq SAFE-p ingerlanneranut akisussaasuvoq.

SAFE iserfigineqarsinnaanngippat, aningaasanoornermut paasissutissat katersorneqassapput, piffissallu iserfigineqarsinnaannginnerata naanerata kingorna SAFE-mut toqqorneqassallutik.

E. 2 Aningaasanoornermut paasissutissat aningaasanoornermut periutsimiit SAFE-mut nuunneqarnerat

Akuersissummik peqartup aningaasanoornermut paasissutissat Standard Records naapertorlugu (paasissutissat aaqqissugaanerat pillugu paasissutissiineq) SAFE-mut nuussavai toqqorlugillu. Paasissutissanik nuussinermut tamatumunnga akuersissummik peqartoq akisussaasuvoq tamatuminngalu suliarinnittussaalluni.

Aningaasanoornermut Oqartussat aningaasanoornermut paasissutissanik SAFE-miit pisariaqartitsineq malillugu Aningaasanoornermut Oqartussat paasissutissanik uninngasuusivimminnut nuussisinnaassapput nakkutilliinermut atugassaminnik. Nuussineq pissaaq internet aqutigalugu FTPS atorlugu, aamma paasissutissat tatiginassusiat Tamper Token atorlugu nakkutigineqassaaq.

E. 3 SAFE-mi mappit aaqqissugaanerat aamma Standard Recordsimi taaguusiisarneq

Akuersissummik peqartup mappinik aaqqissuussineq pilersikkiartuaassavaa Standard Recordsillu aaqqissuussineq tulliuutoq aallaavigalugu taaguusiisassalluni:

Qaffasissuseq 1: Mappi avalleq taaguuserneqassaaq »Mappersiakkat aaqqissugaanerat-aningaasanoornermut periusoq«.

Qaffasissuseq 2: Mappi taaguuserneqassaaq »Zip«.

Qaffasissuseq 3: Ullut tamaasa mappiliortoqassaaq, ullua malillugu taaguuserneqartunik annertussuseralugu UKIOq-QAmmat-ULLua.

Qaffasissuseq 4: Tassani zip-filit inissinneqassapput, tamarmik immikkut ataasiakkaarlutik token-imut ataatsimut attuumassuteqarlutik. Tamatuma saniatigut token-inut sulii matuneqarsimanngitsunut mappeqassaaq. Mappi sulii matuneqarsimanngitsoq taaguuserneqassaaq »SpilCertifikatIdentifikation-TamperTokenID«. Zip-fili, mappimik imaqartoq taaguuserneqassaaq »SpilCertifikatIdentifikation-TamperTokenID.zip«. Aningaasanoornermut akuersisummut kinaassusersissut tassaavoq akuersissummik peqartumik kinaassusersissut asseqanngitsoq, Aningaasanoornermut Oqartussanit tunniunneqartoq. TamperTokenID tassaavoq Tamper Tokeninut ataasiakkaanut kinaassusersissut asseqanngitsoq.

Qaffasissuseq 5: Zip-filit ataasiakkaat tamaasa imarisaat malillugit mappinik pilersitsisoqassaaq.

Taaguusersorneqassapput assersuutigalugu »EndOfDay«, »Jackpot«, »KasinoSpil«, »PokerCashGames« aamma »PokerTurning«.

Qaffasissuseq 6: Ullunut attuumassuteqartunut mappinik pilersitsisoqassaaq, ullua malillugu taaguusersorneqarlutik, annertussusiliullugu UKIOq-QAmmat-ULLua. Standard Recordsit ataasiakkaat qaffasissusermi tassani imaluunniit qaffasissuseq 7-imi inissinneqassapput, mappersakkamilu piffissamut filip pilersinneqarfianut inissinneqarlutik.

Qaffasissuseq 7: [Nammineq toqqagaq] Mappinik appasinnerusunik taasaqarnissaaq periarfissaavoq, piffissamut akuttussusiliilluni, annertussusilerlugit HH. QAmmat – HH.QAmmat.

Puljekkuutaaraluni aningaasanoornermut filit mappimut equuniulluni akilernerup inissinneqarfisaaanut inissinneqassapput.

Aningaasanooriaatsinut allanut tamanut naleqqiullugu filit mappersakkamut naammassineqarfissaattut naatsorsuutigineqartumut inissinneqassapput. Mappinik taaguusiinermi aamma Standard Recordsini Aningaasanoornermut Oqartussat erseqqissaataat malinneqassapput.

Aningaasanoornermut paasissutissat ataavartumik zipperneqassapput mappinik aaqqissuussinermi taaneqartut malillugit, aamma Tamper Tokeninut ataasiakkaanut tamanut ilisarnaatit malillugit zip-fil-

imik pilersitsisoqassaaq. Zip-filit ataasiakkaat tamarmik aningaasanoornermut paasissutissanik taakkorpiarnik Tamber Tokensimut ilisarnaammumt atasumik immerneqartumik aningaasanoornermut paasissutissanik imaqaassapput.

F. Akuersissummut piunasaqaatit malinneqarnerisa ataavartumik nakkutiginerat

F. 1 Aningaasanoornermut paasissutissanik piniarneq

Akuersissummik peqartup kaammattorneqarnermigut aningaasanoornermut paasissutissat toqqortarineqartut qarasaasiameersut digitalimik atuarneqarsinnaasut ullut suliffiusut tallimat iluanni Aningaasanoornermut Oqartussanut nassiussinnaassavai, tak. immikkoortoq E. 1.Rekvirering af spildata

F. 2 Rekvirering af andre informationer

Aningaasanoornermut paasissutissat immikkoortoq E. 1-imi taaneqartut saniatigut akuersissummik peqartup paasissutissat nammineq aningaasanoornermut periutsimineersut taamaattoqarpallu periutsinit atassuteqartuneersut aasinnaassavai, ilanngullugit:

- Aningaasanoornermut kontot pillugit paasissutissat.
- Naatsorsueqqissaarnikkut paasissutissat.
- Akuersissummik peqartup aningaasanoornermut periusaani nalunaarsukkat tigulaariffiginerat.
- Paasissutissat tamakku ullut suliffiusut tallimat qaangiutsinnagit Aningaasanoornermut Oqartussanut tunniunneqarsimassapput.

G. Akuersissummik peqartup nakkutilliinerinut, niueriaasianut aaqqissuussaananerannu piunasaqaatit

Akuersissummik peqartoq nalunaarummi piunasaqaatit atuuttut akuersissummik peqartumit aamma taassuma suleqataanit ataavartumik malinneqarnerannik uppernarsaammik suliarinnissaq, tamatuminngalu ataavartumik nakkutiginnilluni. Taakkununga minnerpaamik ilaassapput:

Ullut tamaasa nakkutilliineq sulisunit aqutsisunillu suliarineqartoq (sapinngisamik annerpaamik niueriaatsinut periutsinullu ilanngullugu suliarineqartoq).

Piffissakkaartumik aamma misiligitunik tigusisarluni suliffiup iluani misissuineq.

Suliffiup avataani misissuineq, piunasaqaatit atuuttut malinneqarnerannik uppernarsaatit naammagintumik pitsaassusillit pissarsiarineqarnissaannut tamanna pisariaqartinneqarpat.

Nakkutilliinermit angusat suliarineqarnerat toqqortarineqalernerallu.

Akuersissummik peqartumi aamma/imaluunniit taassuma suleqataani kukkunernik imaluunniit unioqqutitsinernik naammattuuisoqartillugu kiisalu taakkunani kukkunernik imaluunniit unioqqutitsinernik pasitsaassisoqartillugu ingerlaannavik Aningaasanoornermut Oqartussanut nalunaaruteqarneq. Nalunaaruteqarnermut ilaassaaq akuersissummik peqartup kukkunerup imaluunniit unioqqutitsinerup qanoq kinguneqartussaananerannik naliliinera.

Akuersissummik peqartup niueriaatsit attuumassuteqartut suliarineqarnissaat, uppernarsarneqarnissaat kiisalu malinneqarnissaat akisussaaffigaa, taakku siunertarigamikku akuersissummik peqartup aamma taamaattoqarpat taassuma suleqataasa ataavartumik nalunaarummi piunasaqaatinik atuuttunik eqqortitsinissaq. Niueriaatsinut minnerpaamik ilaassapput:

- Aningaasanoornermut periutsini tamarmiusuni atortut tamarmik aamma paasissutissanik nassiussinerit, ilanngullugit paasissutissat aqquaat, paasissutissat ataatsimoortut, qarasaasiakkut attaveqaatit, SAFE, RNG, aningaasanooriaatsit (amma taamaattoqarpat pingajuullutik peqataasuni atortut tarmarmik aamma paasissutissanik nassiussinerit) nakkutigineqarnissaat akuersissummik peqartup qulakkiissavaa, taamatut iliornikkut uppernassuseq pissarsiarineqarsinnaassuserlu qulakkeerneqassammata.
- Akuersissummik peqartup paasissutissanik annaasaqarnissaq pinngitsoortinniarlugu back up aamma restore-procedure qulakkiissavai.
- Akuersissummik peqartup ISO 27001 naapertorlugu isumannaatsumik aalajaatsumillu ingerlatsinissamut aserfallatsaaliuinerit isumannaallisaanermullu suleriaatsit qulakkiissavai.

– Akuersissummik peqartoq tunisassiaminik neqerooruteqarnerminut atatillugu aningaasanoorneq pillugu inatsimmi siunertaasut naapertorlugit kiisalu Aningaasanoornermut Oqartussat piumasaqaatigisaannut atatillugu naleqquttumik aqqissuussaasimassaaq naammattunillu sulisoqarluni.

Sulianut sulisunullu attuumassuteqartunik piumasaqaatit akuersissummik tunniussinissamut inatsimmi piumasaqaataasut saniatigut, akuersissummik peqartoq minnerpaamik aqqissuusnaanikkut sulianik tulliuttunik pilersitsissaaq:

Aningaasanoornernut qarasaasiat programmiinut aningaasanoorerillu ingerlannerinut akisussaasoq, ilanngullugit akuersissummik peqartumi kiisalu taamaattoqarpat peqatigalugit suleqatigisaani aningaasanoorerit tamamik pilersinneqarnerisa ingerlannerisalu eqqortumik uppernassusilimmillu aamma pututitsinertaqanngitsumik ingerlannissaat qulakkiissallugu.

IT-mi isumannaatsuunissamut akisussaasoq, ilanngullugu qarasaasiat IT-mut atortut taakkununggalu programmit, qarasaasiakkut attaveqaatit akuersissummik peqartumit atorneqartut (amma akuersissummik peqartup taamaattoqarpat peqatigalugit suleqatigisaanit atorneqartut) isumannaallisaanikkut illersorneqarsinnaasumik ingerlanissaat.

Periutsinik allannguinermit akisussaasoq, tak. Aningaasanoornermut Oqartussat periutsinik allannguinerit aqunneqarnissaannut anguniagaat.

Aningaasaqarnermut akisussaasoq, ilanngullugu Akileraartarnermut ingerlatsiviup aningaasanoornermit isertitanit ilanngaateqanngitsunit pissarsiasaminik tamatigut pissarsisarnissaa.

– Inuit akisussaasut suliassaminik akisussaaffimmillu tiguisinnaassagunik pisariaqartitanik piginnaaneqassapput pisariaqartitanillu misilittagaqarlutik. Akuersissummik peqartup piumasaqaataasunik eqqortitsisinaanissaa qulakkeerniarlugu inuit iliutsinik pilersitsinissamut piginnaatitaanissaat kiisalu allannguutinik pisariaqartunik piviusunngortitsisinaanissaat akuersissummik peqartup qulakkiissavaa.

Nakkutilliinermut atatillugu inuit akisussaataasut toqqaannartumik attaveqaataassapput. Taamaattumik inuit paasissutissat uppernarsaatillu Aningaasanoornermut Oqartussat suliaqarfimmik iluanni piumasaqaatigisinaanissaat tamatigut pissarsiarisinaanassavaat nassuiaatigalugillu.